

靈寶領教濟度金書卷之三十四

罪七

靈寶領教濟度金書卷之三十四

罪七

洞微高士開光救苦真人審全真授

靈寶通玄弘教水南先生林靈真編

科儀立成品

開度通用

九幽燈儀

靜默堂序立

贊引至燈壇

步虛

具位臣某謹焚寶香遙瞻供養

太上無極大道三寶上帝十極高真三界靈
司無執主執玄壇應感內外威靈願運慈光

俯垂明證伏以二儀定位圓清高耀於光明
四象成形方濁結凝於幽暗建陰陽而分晝
夜列儀璘而別晦明煥爛朝輝等寥陽之帝
所幽陰夜色並鬱絕之神鄉况賦形有迷悟
之分而委判有升沉之異倘淪昏翳莫際輝
華是以仙聖曲矜帝師垂憫立然燈之寶範
崇破暗之瓊章上照諸天增陽光而煥映下
明列壘廓陰暗以輝華俾寒庭無悲惱之聲
而夜壑息酸辛之苦巍巍神力赫赫靈功今
有齋主某資薦某人崇建某齋次依按經法

恭然九幽神燈返陰還陽續明啓暗伏願九
霄八極均朗映於神燈六趣三塗溥煥流於
夜燭齊資照耀各遂升仙稽首皈依虔誠讚
詠

十方靈寶天尊

伏以九炁凝芒碧落耀發生之府二華鬱秀
青林開長樂之宮聳日觀於岱宗接雲瀛於
滄海扶桑啓旦騫木流榮今有齋主某崇建
某齋然點九幽神燈上照東方太青諸天納
善福堂光景煥明虛空朗耀中照震宮三綠

分野辟斥幽翳掃蕩妖邪下照東方風雷地
獄飛戈停刃震雷鞞威即使見禁罪魂乘此
光明頓消幽暗徑上華林之境面朝玉寶之
尊清衆運誠虔誠讚詠

明燈映太真 暘谷耀朱霞 流香裊三素

罪七

二

汎景東皇家 上携無極爽 騰景戲青華
空歌生快樂 幽夜掃紛葩

寶光通照天尊

伏以三炁凝華朱陵著鍊形之格九陽散彩
丹天垂度命之符映玉緯於太微耀金衡於

飛火衡宗華蓋波潤炎州今有齋主某崇建
某齋然點九幽神燈上照南方太丹諸天納
善福堂光景煥明虛空祥光廓映中照離宮
九紫分野掃除奸惡消伏凶災下照南方火
翳地獄塗炭息燄猛火沉烟即使見禁罪魂

乘此光明頓消陰暗徑上梵天之境面朝萬
福之尊清衆運誠皈依讚詠

明燈映太玄 炎上煥朱烟 鬱儀駕火龍

丹精校萬仙 朱陵度命籍 遊宴不窮年

遐觀飛爽樂 祖炁採華田

通光溥照天尊

伏以七炁網緼素皇御浮羅之獄九明流演
皓靈司福德之墟揖金虎於天街策玉龍於
崑圃長庚孕秀華嶽凌空今有齋主某崇建
某齋然點九幽神燈上照西方太素諸天成

罪七

行福堂光華流明萬方朗耀中照允宮七赤
分野蕩除凶沴消伏妖邪下照西方金剛地
獄金槌息考鐵杖停威即使見禁罪魂乘此
光明頓超幽暗徑上金光之境面朝太妙之
尊清衆運誠皈依讚詠

明燈映太清

流光朗金門

長庚湛華耀

下燭北艷魂

幽臺騰晝景

仰照希夷尊

赤書開錦笈

端簡九天恩

流光應現天尊

伏以五炁徘徊黑帝肅玄冥之令一元廓落

辰精符北朔之權調玉燭於璇璣開紫樞於

閭闔太陰運御玄武經躔今有齋主某崇建

某齋然點九幽神燈上照北方太玄諸天清

淨福堂流映萬空朗明煥耀中照坎宮一白

分野掃斥妖惡摧却凶妖下照北方溟泠地

獄冰戟潛毒霜刃藏鋒即使見禁罪魂乘此
光明頓消幽暗徑上真靈之境面朝玉晨之
尊清衆運誠皈依讚詠

明燈映太空 流羅吐陰輝 晨華冠北朔

綃虹耀天衣 逍遙八遐觀 遊奕溥仙飛

千齡齊瞬息 萬劫一朝餘

流光法界天尊

伏以炁肇少陽宇歌振浮黎之土日賓暘谷
攝提杓龍角之躔接滄島於方諸潛鬼營於
鄧鬱良山定鎮泰象凝華今有齋主某崇建

某齋然點九幽神燈上照東北方始青諸天
長樂福堂華耀煥明流光普映中照良宮八
白分野辟除毒沴蠲滌災衰下照東北方鑊
湯地獄清涼徹景煮漬韜威即使見禁罪魂
乘此光明頓消幽暗徑上長樂之境面朝度

罪七

四

仙之尊清衆運誠皈依讚詠

明燈映太虛天光燭始青

下耀鬱單界

上煥玉隆城靈章凝惠露

飛爽邁高征

九幽皆解脫天澤慶回靈

靈光萬善天尊

伏以炁煥太陽始丹御碧霞之界音調朱雀
太微聯流火之庭納萬壑於歸墟洗八風而
眇莽域司地戶機應天關今有齋主某崇建
某齋然點九幽神燈上照東南方始丹諸天
用賢福堂光徹虛空煥明萬象中照巽宮四
碧分野却清邪穢洗蕩奸妖下照東南方銅
柱地獄焚灼息苦列燄收威即使見禁罪魂
乘此光明頓消幽暗徑上碧霞之境面朝度
命之尊清衆運誠皈依讚詠

明燈映太元

金碧耀南丹

伶華流梵響

玉女佩珠環

俯控雲霄馭

明霞不可攀

妙哉騫奩樂

碧霧御天關

開光濟度天尊

伏以炁肇月庭東井啓黃華之粹陰生素域
參旗分白獸之精澄金顯於蓐收配商宮於

罪七

五

夷則象符地軸維啓人門今有齋主某崇建
某齋然點九幽神燈上照西南方始素諸天
仁靜福堂祥光洞灼煥耀無邊中照坤宮二
白分野肅清災毒掃滅妖氛下照西南方屠
割地獄刀刃息毒割切藏威即使見禁罪魂

乘此光明頓消幽暗徑上耀真之境面朝虛
皇之尊清衆運誠皈依讚詠

明燈映太虛

始素湛玉霄

圓光煥結璘

天關近回飈

縱觀六合裏

惡根應化消

鬱藹騰飛馭

凌空度法橋

金光耀綵天尊

伏以炁結天門清微御九關之峻光浮帝所
碧虛流萬梵之周仰東壁於乾維俯西崑於
宸闕陽精衍育陰粹潛凝今有齋主某崇建
某齋然點九幽神燈上照西北方始玄諸天

延賢福堂光華朗耀流煥虛空中照乾宮六
白分野肅消災沴掃却凶邪下照西北方火
車地獄刃輪停苦炎毒收威即使見禁罪魂
乘此光明頓消幽暗徑上妙有之境面朝太
華之尊清衆運誠皈依讚詠

明燈映太初

燦燦浴飛虹

仰觀八圓際

雲華迅西東

微魔檢玄律

上天攝北鬱

生神鍊遊魂

穩步登朱宮

流光萬變天尊

伏以一炁高流皎日耀玉京之頂萬霄羅絡明

霞拱金闕之崇御無色於鬱羅覆有垠於澤
壘雍和政柄撫料玄綱今有齋主某崇建某
齋然點九幽神燈上照中央諸天福堂光景
煥明流輝無極中照中官境域神州殄息災
凶摧伏奸惡下照中央溥掠地獄刀山斷刃
劔樹藏鋒即使見禁罪魂乘此光明頓消幽
暗徑上紫霄之境面朝玉虛之尊清衆運誠
皈依讚詠

罪七

六

明燈映太玄
披朗無幽鄉
龍旂御通明
鳳葆舞寥陽
金真空中降
神虎徵魔王

左提幽關爽 來觀道德香

開光濟度天尊

次誦明華太晶開光通達神呪

開光華齊六衢通 桐碧霞彩來玄風

太華帝君飛度旨 吾奉寶文破羅艷

傳景散象若衆妙 金馬赤龍素來從

神鄉真官速送受 聖師玉簡書爾功

流光法界天尊

向來關祝九幽神燈功德周圓伏願蓮炬飛

華照諸天而朗徹蘭膏應彩輝九壘以流明

普今夜景之昏濛均觀晨陽之煥耀自然懽
樂火息燄而冰靜波永絕酸辛劔為騫而刀
為樹三途罪爽出離冥途立道眾魂超凌善
道仗茲無邊功德回資亡故其人身沐神輝
心皈正化罪華飄落還本始之光明惡蒂彫
零悟本源之湛寂一真呈露萬妄頓除即登
天上之天永離地中之地為如上緣請聖作
證

念善

諸大地獄燈儀

靜默堂序立

華夏贊至燈壇

步虛

灑淨

具位臣某謹焚寶香遙瞻供養

太上無極大道三清上聖十極高真太乙慈

尊三界衆聖虛空鑒察應感靈祇願運慈悲

俯垂明證伏聞元始開圖莫玄黃而立極虛

皇御運羅經緯以流形高濤騰三景之輝混

黃布九幽之象惟人爲貴稟炁炁與精志覺海

之澄清莫超陽景溺愛河之流浪遂墮幽關

羅艷泉曲之沉淪夜域寒鄉之悽慘五嶽四
瀆星分考對之曹三界十方棋布推研之識
沈寥莫極茫昧无終億齡難遇於天光萬劫
常淪於地暗蓋以業由心造罪逐身修回首
前生念慮既藏於陰慝驚心死後形魂曷際
於陽明自迷悟之攸分致升沉之斯判非由
提拔未遂超凌惟瓊笈羅懺罪之儀而金籙
著然燈之式蘭膏隱映蓮炬輝華回耀降光
上接靈芒於碧落開明破暗下騰神景於黃
泉周九壘以生春洞十華而不夜庶令幽爽

獲觀陽光可登解脫之鄉徑上逍遙之路今
有某人崇建某齋開度亡故其人溥及幽冥
冤親平等謹於齋次然點神燈允仗天光普
招地魄恭望帝尊曲憫師寶垂憐矜祖炁之
分靈放神輝而洞照開明獄境密映燈壇自

罪七

一燈至百千萬燈燈燈不滅由一獄至恒河
沙獄獄獄俱明俾陶五色之輝咸悟一真之
性悔心纔露惡根自清乘晨希陽穩上三清
之岸迴光返照長辭五濁之泥普及有情均
承大化清眾運誠讚揚功德

大聖元始天尊

大聖靈寶天尊

大聖道德天尊

衆誦開光呪旋遶點燈

陰景冥冥 長夜無期 死魂幽閉 精神散飛

華燈照夜 太陽流輝 朽骸開度 攝景返肌

光明遍照 遊奕同皈

流光法界天尊

第一北都羅酆之獄在東北癸地乃天宮下

治之府内外宮洞周匝圍旋環拱陰景天宮

有北陰天君主之東列天一監天中天虛天
皇天九天元正形正太真九獄南列流火火
丸火箭飛火燒脚火家然身元平禁罰九獄
西列鐵車鐵馬鐵牛鐵驢鐵錐鐵床鐵杖鐵
鏘鐵蒺藜九獄北列玄沙北玄女青河伯律
令幽玄累劫糞穢冰池九獄隨衆生所造之
業較量輕重而分處之諸大魔王鬼官冥吏
參機佐理考罪治魂凡一晝一夜之間有萬
死萬生之苦終天幽暗不覩光明今齋主某
切慮所度亡魂普及幽冥冤親平等生有惡

罪七

九

緣死淪此獄然燈接引請命提携伏望三境
至尊十華聖衆俯垂惠澤神化燈光遍照北
都羅酆之中咸令囚徒均沐靈輝解悟宿命
悔過遷善見性回真削黑簿之寃愆紀丹陵
之姓字徑辭冥漠上證虛無清衆運誠恭吟

寶偈

羅酆北帝號都司

典領幽冥萬職扶

威統三天提憲網

仁參三極削刑書

德音已降清微境

聖澤俄沾鬱絕區

仰願燈光無盡藏

提携游奕上玄都

流光應現天尊

第二九幽之獄在西南丁地乃地官列治之
府東曰幽冥青曜惡毒門風雷獄南曰幽陰
赤耀巨羅門火翳獄西曰幽夜白耀鋒刃門
金剛獄北曰幽艷黑耀寒涼門冥冷獄東北

曰幽都無羅陷塞門鑊湯獄東南曰幽冶九
醜惡毒門銅柱獄西南曰幽關荼滅馘抑門
屠割獄西北曰幽府溟濛殮網門火車獄中
曰幽獄普掠獄隨衆生所造之業較量大小
而分處之陰官冥曹分僚列掾研情鞠罪施

罰考魂業鏡懸則善惡彰而莫逃業風吹則
形魂死而復活終天幽暗不覩光明今齋主
某切慮所度亡魂普及幽冥冤親平等生有
惡緣死淪此獄然燈接引請命提携伏望金
闕高尊玉京上聖俯施慈造神化燈光遍照
九幽地獄之中咸令囚徒陶沐靈輝解悟宿
命悔過遷善見性回真辭鬱絕之幽鄉登妙
巖之勝境根源不昧衣食自然清衆運誠恭
吟寶偈

罪七

十

九幽執法列方隅

受命豐城贊聖謨

赫赫條章歸掌握

悠悠報對藉匡扶

三天誕布龍符耀

九地欽承鶴赦敷

仰願燈光無盡藏

超凌長夜上玄都

威光應現天尊

第三泉曲府及十二河源之獄泉曲在東南

丙地乃水官所治之府統尾閭口有萬鬼群

十二河源分布九州乃分野考鬼之庭如導

淮自桐栢導渭自鳥鼠同穴凡十二處皆有

陰獄隨衆生所造之業斟酌多少而分處之

鬼臈神僚幽曹冥佐拘魂定罪鞠因推情考

陽間隱顯之愆按陰府報對之律終天幽暗
不覩光明今齋主切慮所度亡魂普及幽冥
冤親平等生有惡緣死淪此獄然燈接引請
命提携伏願无極元尊大羅至聖俯垂洪澤
神化燈光遍照泉曲河源地獄之中咸令因

第七

徒陶沐靈輝解悟宿命悔過遷善見性回真
脫夜域之淒涼陟霄衢而快樂神風披拂道
炁薰陶清衆運誠恭吟寶偈

北都泉曲統河源 分列神庭領化權

上奉紫微施厚德 下臨黑壤絕盟言

慈雲藹藹天恩浹

湛露灑灑帝敕宣

仰願燈光无盡藏

法橋穩駕步芳騫

靈光回照天尊

第四五嶽之獄東曰泰山府南曰衡山府西
曰華山府北曰恒山府中曰嵩山府分曹設

案環布臈僚鞫罪治魂各有陰獄隨方列屬
巖洞山林考召幽庭非一處所惟東嶽位崇
五鎮名表天孫主領人民顓司報對獨有二
十四獄環拱岱宗凡世人造業大則北都羅
酆治之次則九幽泉曲治之小則嶽瀆諸司

治之其有纖瑕微類則當境靈司治之故五
嶽威權赫奕於地司也今齋主切慮所度亡
魂普及幽冥寃親平等生有惡緣死淪此獄
然燈接引請命提携伏望十極高尊九霄上
聖俯垂寵渥神化燈光遍照五嶽陰獄之中
咸令囚徒陶沐靈輝解悟宿命悔過遷善見
性回真脫長夜之沉途登晨華之道岸不經
輪轉自在逍遙清衆運誠恭吟寶偈

權尊五嶽列封疆

輔相乾坤拱帝鄉

聖日高明司地禁

威風震動握天章

金符飛下三清界

玉簡行周九壘湯

仰願燈光無盡藏

幽幽冥路慶春陽

開光丹景天尊

第五四瀆之獄江瀆廣源府河瀆靈源府淮瀆長源府濟瀆清源府位齊五嶽分治罪魂

罪七

十二

設屬列曹各有陰獄隨處典領湖澤溪潭考罰神庭亦非一所凡世人心生口語自作教他大小罪緣陰陽愆過各因所造拘而治之今齋主切慮所度亡魂普及幽冥寃親平等生有惡緣死淪此獄然燈接引請命提携伏

望浩劫真尊虛无至聖俯垂恩貺遍照四瀆
陰獄之中咸令囚徒陶沐靈輝解悟宿命悔
過遷善見性回真辭地域之拘纏升天堂而
快樂諸塵不染萬化俱融清衆運誠恭吟寶
偈

威尊四瀆列陰官

叅贊推成奉帝關

權佐北豐嚴憲令

職聯東嶽聖恩頒

玉符散惠天門啓

青律停刑地戶閑

仰願燈光無盡藏

提携幽爽覩天顏

第六里域靈獄大曰九州社令司次日州縣
城隍司小曰里域神司與廟貌神祇各有治
罪考魂之所隨方顯化名號莫殫世人生無
大善升神福堂又無大惡攝魂酆府一旦命
過報對權衡皆神司主之十直三元二十四

罪七

十三

炁天地獄瀆真聖仙靈會集福庭考校善惡
莫不以地祇錄籍為主故里域神祇於人最
近今齋主切慮所度亡魂普及幽冥冤親平
等生有惡緣死淪此獄然燈接引請命提携
伏望萬天帝尊十方仙聖俯垂矜憫神化燈

光遍照里域靈獄之中咸令囚徒陶沐靈輝
解悟宿命悔過遷善見性回真蕩業垢以澄
清固生根而游宴永辭陰地快覩陽天清衆
運誠恭吟寶偈

神州列屬典條章

處處名傳莫紀量

善惡幽冥推眇忽

陰陽生死較微茫

龍鸞恩溥塵塵刹

犴狴春回寂寂鄉

仰願燈光無盡藏

扶持寒夜任翱翔

寶光素景天尊

法界有盡燈光無窮乘三天之晨輝照九地

之幽獄威神廣大智慧昭融一一幽牢普見
劫陽之積燦沉沉夜壑頓如晝景之光華按
經所言一十八獄二十四獄三十六獄八十
一獄三塗五苦獄無間硤石血湖獄或名同
六貝異或名異實同无量无边遍盈幽境願乘

燈光之照耀普令罪爽之遷升即於光中
悟自性俾先造貪謀業者見之為喜捨光造
嗔怒業者見之為忍辱光造愚癡業者見之
為智慧光造殺害業者見之為慈悲光造偷
盜業者見之為平等光造淫慾業者見之為

清淨光造口舌業者見之爲自在光造執著
業者見之爲解脫光造凶狠業者見之爲柔
和光造人我業者見之爲無碍光心燈發明
天光朗徹自悟非膏非燭本來無欠無餘湛
寂圓通虛靈知覺如水蓮之不染等秋月之

罪七

十四

無塵一根返源六用解脫罪源何有地獄亦
空空無所空妙而入妙以自己獨覺之性度
自己未覺之靈逍遙上清真猶返掌今齋主
奉爲所度亡魂普及幽冥冤親平等然燈照
獄釋罪開光伏願早入慧源疾登覺地見聞

隨喜一切幽靈同證無爲俱成妙果

逍遙快樂天尊

向來然點諸獄神燈功德周圓伏冀燈光照
徹神景昭明亘三界以流輝極十華而晃朗
鬼官冥吏覩之者進躋仙階獄卒胥徒見之
者反生人道飛潛動植並遂生成蠢動蛸翹
盡全化育普脫輪迴之苦獲登清淨之鄉爲
如上緣請聖作證

念善

靈寶領教濟度金書卷之三十四



